

Oromo - Faarfanna - Praying WP Psalms 2017

**Faarfanna 68:1 Waaqayyo ol in ka'a, diinonni isaas in bittimmaa'u, warri
isa jibbanis fuula isaa duraa in baqatu!**

**Faarfanna 5:9,10 Afaan warra akkasii keessaa dubbiin dhaabataan hin
ba'u, keessa mar'umaan isaanii badiisatu jira, afaan isaaniitiin gara
awwaala banamaatti nama geessu, arraba dhadhaa dibatanii in dubbatu.
10 Egaa isaan si irratti ka'aniiru, yaa Waaqayyo, yakkitoota ta'uu isaanii
beeksisi! Isaan haa kufan, mareen isaaniis lafatti haa hafu! Baay'ina irra-
daddarbaa isaaniitiif bakkeetti isaan gati!**

**Faarfanna 7:1,2 Yaa Waaqayyo gooftaa ko, ani sitti kooluu nan gala na
gargaari, warra na ari'atan hundumaa jalaa na baasi! 2 Lafa inni oolchu
na bira hin jirretti, isaan akka leencaa ana cuffatanii hin kukkutatin!**

**Faarfanna 11:6 Inni barbadaa ibiddaa, dhagaa boba'us jal'oota irratti in
roobsa, qoodi isaaniis qilleensa gubaa finiinaa dha;**

**Faarfanna 18:2 Waaqayyo kattaa koo, masaraa koo, oolchaa koo tis;
Waaqayyo koo da'oo dhagaa isa ani kooluu itti galuu dha; gaachana koo,
isa akka gaanfaa fayyina koof faccisu, iddo dhokannaa koo isa ol
jedhaa dhas.**

**Faarfanna 18:14 inni xiyya isaa gad dhiisee diinota bittimse, balaqqeessa
bakakkaatiinis gara itti goran isaan in wallaalchise.**

**Faarfanna 18:17 inni harka diina koo isa jabaa, akkasumas harka warra na
jibbanii humnas na caalanii na oolche.**

**Faarfanna 18:39 Ati lola sanaaf mudhii koo humnaan hidhachiifteetta,
warri ana irratti ka'anis na jalatti akka gombifaman in goote.**

**Faarfanna 18:45 ijooleen ormaa in dadhaban, rom'aas iddo cufatanii
taa'an keessaa ba'an.**

**Faarfanna 18:48 harka diinota kootii keessaa immoo na baase; eyyee, ati
warra ana irratti ka'an gararraatti ol na qabdeetta,namoota humna anatti
argisiisan harkaas na butatteetta.**

**Faarfanna 23:3 inni lubbuu anatti in deebisa, maqaa isaatiif jedhee daandii
qajeelaa irra na geggeessa.**

**Faarfanna 27:11 Karaa kee na barsiisi, yaa Waaqayyo! Sababii warri
adeemsa koo caqasan jiraniif, ati daandii qajeelaa irra na geggeessi!**

**Faarfanna 31:15 Barri koo hundinuu si harka jira, harka warra diina anatti
ta'anii fi warra na ari'atanii na oolchi!**

Faarfanna 34:4 Ani Waaqayyoon barbaaddadhe, innis ana jalaa owwaate, sodaa koo hundumaa keessaas na baase.

Faarfanna 34:7 Ergamaan Waaqayyoo naannoo warra Waaqayyoon sodaatanii in buufata, inni isaan in oolchas.

Faarfanna 34:13 Yoos arraba kee hamaattii, afaan kees sossoba dubbachuutti eegi!

Faarfanna 34:17-19 yeroo warri qajeelonni gara isaatti iyyan, Waaqayyo in dhaga'a; inni rakkina isaanii hundumaa keessaas isaan in baasa. 18 Waaqayyo warra garaan isaanii cabetti dhi'oo dha, warra yaadni isaanii caccabee bullaa'es in fayyisa. 19 Wanti hamaan nama qajeelaatti in baay'ata, Waaqayyo garuu kana hundumaa keessaa isa in baasa.

Faarfanna 35:1-8 Yaa Waaqayyo! Ati warra anaan mormaniin mormi, warra ana lolanis lolii! 2 Gaachanaa fi mi'a lolaa ol fudhadhuutii, ana gargaaruudhaaf ka'i! 3 Warra ana ari'atanitti eeboodhaa fi gajara luqqifadhu, 'Anatu si gargaara' jedhii anatti dubbadhu! 4 Warri jireenya koo balleessuu barbaadan, haa qaana'an haa salphifamanis! Warri waan hamaa anatti malan, of irra haa deebi'an, haa yeella'anis! 5 Akka habaqii qilleensi fuudhuu haa ta'an, ergamaan Waaqayyoos isaan haa daddarbatu! 6 Karaan isaanii dukkanaa fi mucuca haa ta'u, ergamaan Waaqayyoos isaan haa ari'atu! 7 Isaan sababii tokko malee kiyyoo anaaf dhoksanii kaa'an, sababii tokko malees boolla anaaf qotan. 8 Utuu isaan hin beekin badiisi isaan irratti haa dhufu; kiyyoon isaan dhoksanii kaa'anis isaanuma haa qabu, boolluma qotan keessatti kufanii haa badan!

Faarfanna 35:10 garaa koo guutuudhaan, 'Ati isa gadadamaa nama isa caalaa jabaatu harkaa, isa gad qabamaa fi isa wanta barbaachisaa dhabes, nama isa saamu harkaa in baafta; yaa Waaqayyo, kan akka keetii eenyu ree?' nan jedha.

Faarfanna 36:7-9 Yaa Waaqayyo, gaarummaan kee attam guddaa dha, dinqisiisaa dhas, ijoolleen namootaa gaaddisa bobaa kee jalatti kooluu in galu; 8 isaan wanta mana kee keessa guuteen cidha in godhatu, bishaan laga gammachu keetiis akka dhugan in goota; 9 burqaan jireenya kennu si bira waan jiruuf, ifa keetiin ificha in argina.

Faarfanna 37:5 Karaa kee Waaqayyotti kennadhu, isa amanadhu! Innis siif in raawwata.

Faarfanna 37:23,24 Ejennaan namaa inni Waaqayyo jabeessu isa biraan in ka'a; karaan isaa sunis gooftaatti in tola, 24 Waaqayyo harka isaa qabee waan isa eeguuf, inni yoo kufe iyyuu, lafa hin ga'u.

**Faarfanna 37:40 Waaqayyo isaan in gargaara, isaan in oolchas; waan
isaan kooluu isatti galaniif, inni harka warra jal'ootaa duraa oolchee
isaan in fura.**

**Faarfanna 39:1 Ani, 'Arraba kootiin cubbuu akkan hin dubbannetti, lafan
dhaqu hundumaatti of nan eeggadha; hamma namni jal'aan ana bira
jirutti, akka ani hin dubbanne eeggachuufis afaan koo nan hidha' jedhe.**

**Faarfanna 41:4 Ani immoo, 'Yaa Waaqayyo, anaaf oo'i, ani si duratti
cubbuu hojjedheera, na fayyisi!' jedhee kadhadheera.**

Faarfanna 42:5,11 Yaa lubbuu ko, maaliif akkas gadditee dhiphatta?

**Maaliifis akkas ana keessatti gabii dhabda? Ati Waaqayyoon abdiidhaan
eeggadhu! Anoo deebi'ee gargaarsa isa biraanaa dhufuuf, Waaqayyo
koo ta'uu isaatiifis isa jajachuufan jira! 11 Yaa lubbuu ko, maaliif akkas
gadditee dhiphatta? Maaliifis akkas ana keessatti gabii dhabda? Ati
Waaqayyoon abdiidhaan eeggadhu! Anoo deebi'ee gargaarsa isa duraa
anaaf dhufuuf, Waaqayyo koo ta'uu isaatiifis isa jajachuufan jira!**
(Faarfanna 43:5)

**Faarfanna 43:1 Dhugaa koo anaaf baasi, yaa Waaqayyo! Warra kan kee hin
ta'inittis yaa'ii koo anaaf falmi! Warra arraba gegeddaranii fi warra waan
jal'aa hojjetan jalaas na baasi!**

**Faarfanna 44:4 Ati mootii koo ti, yaa Waaqayyo, Yaaqoobiif mo'icha kana
kan abboome si;**

**Faarfanna 51:4 ani si yakkeera, si'uma duwwaan yakkes, wanta ija kee
duratti hamaa ta'es hojjedheera; ati immoo dubbiif ana irratti dubbatteen
qajeelaa, firdii faraddeenis qullaa'aa ta'uun kee in beekama.**

**Faarfanna 52:5 Waaqayyo garuu yeroo hundumaaf gad si cabsuuf jira;
godoor kee keessaabutee si baasuuf jira; biyya warra jiraatoo keessaas
hundeedhaan si buqqisa.**

**Faarfanna 54:7 Ati rakkina hundumaa keessaabutaa waan na baafteef, iji koo
gammachuudhaan diinota koo of jalatti in ilaala.**

**Faarfanna 55:18 Warri ana irratti ka'an waan baay'ataniif, lola anatti ka'e
keessaabutaa lubbuu koo nagaatti galchi!**

**Faarfanna 59:2 warra jal'ina hojjetan jalaas na baasi, warra dhiiga namaa
dhangalaasanis na oolchi!**

**Faarfanna 60:12 Waaqayyoo wajjin nuyi humna in godhanna, warra nu
cunqursan gad kan dhidhiitu isa.**

**Faarfanna 63:11 Mootichi garuu Waaqayyotti in gammada, namni maqaa
Waaqayyootiin kakatu hundinuu of in jaja; afaan warra sobduu immoo in
cuqqaalama.**

**Faarfanna 66:3 Waaqayyoon, 'Gochaan kee maal maal sodaachisaa dha,
dinqisiisaa dhas! Aangoon kee guddaa dha, diinonni kees siif in
gugguufu!**

**Faarfanna 68:6 Waaqayyo warra kophaa jiraataniif maatii in kennaaf,
warra hidhamanis gara jirenya gaariitti in baasa; warri mormanii isa
irratti ka'an garuu biyya qoqoree keessa in jiraatu.**

**Faarfanna 68:35 Waaqayyo, sodaatamaa fi dinqisiisaa ta'uun isaa, mana
qulqullummaa isaa irraa in argama; inni Waaqayyo isa kan Israa'el, inni
humnaa fi jabina saba isaatiif in kenna; maqaan Waaqayyoo haa
eebbifamu!**

**Faarfanna 70:1 Yaa Waaqayyo, dafii na oolchi, yaa Waaqayyo, na
gargaaruudhaaf ariifadhu!**

**Faarfanna 71:4 Yaa Waaqayyoo ko, harka nama jal'aa keessaa, qabaa
nama dalgifamaa, nama humnaan nama irratti hojjetuu keessaas ana
baasi!**

**Faarfanna 71:13 Warri diina anatti ta'an haa yeellaasifaman, haa
dhumanis, warri miidhama koo barbaadanis arrabsoodhaaf salphina haa
uffatan!**

**Faarfanna 72:12 Inni nama dhabee isatti iyyatu, gadadamaa nama isa
gargaaru hin qabnes in oolcha.**

**Faarfanna 76:12 Inni hafuura isa warra gurguddoota keessaa ka'u gad in
deebisa, inni mootota lafa irraas guddaa in sodaachisa.**

**Faarfanna 79:9 Yaa Waaqayyo isa fayyina nuuf laattuu, ulfina maqaa
keetiif jedhii nu gargaari, maqaa keetiif jedhii nu oolchi, cubbuu keenyas
nuuf dhiisi!**

**Faarfanna 86:17 Milikkinni gaarummaa kee ana irratti akka argamu godhi,
yaa Waaqayyo, akka ati na gargaarte, akka ati na jajjabeessites, warri
ana jibban arganii haa yeella'an.**

**Faarfanna 91:14,15 Waaqayyo immoo, 'Sababii inni na jaallatee anatti
maxxanuuf, ani isa nan oolcha; waan inni maqaa koo beekuufis,
eegumsaan ol isa nan qaba. 15 Inni ana in waammata, anis deebii nan
kennaaf, yeroo rakkinaatti isaa wajjin nan jiraadha, achi keessaa isa nan
baasa, ulfina akka inni argatus nan godha.**

**Faarfanna 92:11 Iji koo gad deebii diinota koo in arga, gurri koos waca
warra hamoota ana irratti ka'anii in dhaga'a.**

**Faarfanna 103:10 Akka cubbuu keenyaattti nu irratti hin hojjetu, akka
yakka keenyaattis nutti hin deebisu.**

Faarfanna 104:9 Ati daarii isaaniif dhaabde, isaanis isa irra hin darban,

Iafa irra diriiruuttis hin deebi'an.

**Faarfanna 107:6 Rakkina isaanii keessatti gara Waaqayyootti iyyatan,
yommus inni muddama isaanii keessaa isaan in baase;**

**Faarfanna 118:10,12 Sabni lafa irraa hundinuu na marsan, ani garuu
maqaa Waaqayyootiin of irraa isaan nan kuta. 12 Isaan akka gurmuu
kanniisaa anatti tuuta'an, akka ibidda qoraattii kosorruus boba'anii in
dhaamu; ani garuu maqaa Waaqayyootiin of irraa isaan nan kuta.**

**Faarfanna 121:7,8 Waaqayyo hamaa hundumaattii si eega, inni jirenya
kee in eega. 8 Waaqayyo gad ba'uu kee, ol galuu kees ammaa jalqabee
hamma bara baraatti in eega.**

**Faarfanna 138:3 Guyyaa ani si waammadhetti na jalaa owwaatteetta, ati
na jabeessite, lubbuun koos humna godhatte.**

**Faarfanna 140:1,4,5 Yaa Waaqayyo, namoota hamoota jalaa na baasi,
warra humnaan nama irratti ka'anis ana irraa eegi! 4 Harka warra
jal'oottaa ana irraa eegi, yaa Waaqayyo! Namoota humnaan nama irratti
ka'an, warra miilla koo qabanii na gufachiisuuf akekkatanis na baraari!
5 Namoonni waan guddaatti of ilaalan futtaasaa anaaf dhoksaniiru,
kiyyoos funyoodhaan diriirsaniiru; meendoos karaa irra anaaf
dhaabaniiru.**

**Faarfanna 142:6 Ani baay'isee waanan mataa buuseef, iyyata koo anaaf
dhaggeeffadhu! Warri na ari'atan baay'ee waan anatti cimaniif, ati isaan
jalaa na baafadhu!**

**Faarfanna 143:9 Warra diina anatti ta'an jalaa na baasi, yaa Waaqayyo!
Ani si jalatti nan baqadha.**

**Faarfanna 147:14 Daarii kee nagaa in godha, qamadii isa caaluunis si
quufsa.**

**Faarfanna 149:6-9 Waaqayyoon jajatanii ol himuun afaan isaanii keessaa,
billaan gar lamaan qaramaanis harka isaanii keessaa hin bu'in! 7 Saba
lafa irraa irratti ijaa ba'uudhaaf, saba warra kaanis adabuudhaaf 8
mootota isaanii fuuncaadhaan, ulfina-qaboota isaaniis funyoo sibilaatiin
hidhuudhaaf, 9 firdii caafamee jiru isaan irratti in raawwata, kun warra
isaaf of kennan hundumaaf ulfina! Waaqayyoon jajadhaa!**